

LEA GALPARSORO ELIAS

D Maila | Bertsoa | 1. saria

Ni Lea naiz eta 14 urte ditut. Ordiziako Jakintza Ikastolan ikasten dut. Bertsolaritza, eskubaloia eta euskal dantzak gustatzen zaizkit. Ordiziako Bertso Eskolako ikaslea naiz bederatzi urte nituenetik. Musikazalea ere banaiz.

NERABEZAROAREN GAZI-GEZAK

Nire gela ta nere bizitza

biak desordenatuta

gurasoen begiradetatik

guztiz deskonektatuta

dortoka txiki baten antzera

barruraka uzkurtuta

nerabezaroaren bidean

norantza gabe galduta

Kobazuloaren bukaeran

beti hor dago argia

bide honetan babesten nauen

lagunen sare handia

pertsona txarrak beti hor daude

hori da gaurko egia

lagun txarra desertua degu

ona, aldiz, oparia

Snapchaten ta Instagramean

ondo agertzeko grina

irrifartxo faltsuen atzean

gordeta dago samina

gorputz eta bizi perfektura

denok iritsi ezina

errealitate ta pantaila

ez da batere berdina

Txikitan desiratzen nengoen

nerabera iristea

mutil laguna eduki eta

lehen musua ematea

lagunekin egunez ta gauez

festaz festa joatea

bertso guzti hauek eta gero:

“Hobe ume izatea”

Doinua: Zazpi ahizparen gai den oihala